

Piginnaangorsaaqqinneq Ikiugaanermiit imminut ikiulernermut



Maanna Kommune Kujallermi innuttaasut piginnaangorsaaqqinnermut innersuunneqarsinnaalerput.

Piginnaangorsaaqqinnerup ingerlanerani inuup ulluinnarni suliassat sungiusassavai. Piginnaangorsaaqqinneq aqqutigalugu siunertaasoq tassaavoq Kommune Kujallermi innuttaasut uninngaannaratik namminersorlutillu inuusinnaalersissallugit, tamakkiisumik ilaannaagalumuilluunniit nammineersinnaatissallugit taamalu sapinngisamik sivilunerpaamik angerlarsimaffimminiiginnarsinnaangortissallugit.

Angerlarsimaffimmi ikiorteqarnissamik imaluunniit eqqiarnissamut suliassanulluunniit qinnuteqartoqaraangat qinnuteqartup pisariaqartitai angerlarsimaffimmi ikiortimit nalilerneqartassapput. Aaqqissuussinermi nutaartaasutut piginnaangorsaanerup ilumut inummut iluaqutaanera angerlarsimaffimmi ikiortimit nalilerneqartassaaq.

Piginnaangorsaaneq qanoq ingerlasassava?

Kommunimi piginnaangorsaasoqatigiinnik atorfinitsitsisoqarsimavoq inummut tapersuullutillu siunnersuinissamut piareersimasunik. Kommunimiit naliliisussamik orniguttoqartassaaq inuup atugaanik paasiniaalluarluni piginnaangorsaaqqinnerup tassunga iluaqutaaneranik naliliisussamik. Innuttaasoq kommunimi piginnaangorsaaqqittunik peqateqarluni piginnaangorsaaqqinneq naammassippat sunik piginnaasaqalersimanissaminik anguniagassiusaaq. Anguniakkat piginnaangorsaaqqinnermi qitiupput.

Anguniakkat inummiit inummit assut assigiinngiaartussaapput.

Assersuutit ilaat:

-Alersilerneq

-Piumallerfikkut imerneq

-Nammineerluni nerisassiorneq

-Uffarneq perusuersartarfiliarnerlu

-Errorsineq

-Aneerneq niuerniarnerlu

Piginnaangorsaaqqinnerup ingerlanerani inuup misigissavava ajornartinnagu angerlarsimaffimmi ikiorti sullissisigiinnarnagu suleqatigisassagamiuk. Taamaammat piginnaangorsaaqqinnerup ingerlanerani angerlarsimaffimmi ikiortit angerlarsimaffimmi sungiusaasunngortassapput - inuup nammineerluni suliaqarsinnaangornissaanut ikiuuttassagamik.

Piginnaangorsaaqqinneq angerlarsimaffimmi ingerlanneqartassaaq, tassa angerlarsimaffimmi ikiorti aggartassaaq, taavalu inuk angorusutaminik anguniagaqarnerani ikiortassallugu. Ilaanneeriarlutik timimik piginnaangorsaasoq pillorissaasorluunniit angerlarsimaffimmi sungiusarnermut takkutassapput qanoq ingerlanersoq allangortitsisoqartariaqarnerorluunniit paasiniallugu.

..



Piginnaangorsaaqqinneq qanoq peqataaffigineqarsinnaava? Kommunimi angerlarsimaffimmi ikiorteqarnermut ataqtigissaarisut aqcutigalugit neqeroorfigitittoqarsinnaavoq.



**Kommune Kujallermi piginnaangorsaaqqinneq pillugu apeqqutit kommunimi angerlarsimaffimmi ikiorteqarnermik ataqtigiissaarisunut apeqqutigineqassapput, angerlarsimaffimmi ikiortinik ataqtigiissaarisunut nuutsiffissaq tassaavoq
Kommune Kujalleq tlf: 70 41 00.**



Piginnaangorsaaqqiineq nalinginnaasumik sapaatit akunnerisa sisamat 12-illu akornanni ingerlanneqartarpoq, kisiannili sivikinnerullunilu sivilunerusinnaalluni. Piginnaangorsartup anguniakkani anguppagu, sapinngisaniluunniit anguppagu piginnaangorsarneq naammassissaaq. Piginnaangorsarneq naggataarlugu piginnaangorsartooq piginnaangorsaaq arlaat piginnaangorsarneq pillugu oqaloqatigiillutik naliliissapput. Piginnaangorsartooq sungiusaqqittariaqarpat angerlarsimaffimiluunniit suli ikiortariaqarpat tamanna ataatsimiinnermi pilersaarusioneqassaaq.

Piginnaangorsarnerup ingerlasarneranut assersuut

Assersuutigineqassaaq utoqqat sivitsortumik asaanermut niuerniarnermullu ikiorneqartarsimasooq. Taassuma likiorneqarnini nuannarigaluarlugu qaqugu qanorlu pinissaa nammineq aalajangerumanerugaluarpaa. Niuertarfiliarluni nammineq nioqqutissanik toqqartuisarneq taavalu ikinngutinik ilisarimasaniillu naapitsisarneq maqaasivai.

Kommunimi angerlarsimaffimmi sungiusaasut arlaata inuk aporfik tamanna pillugu oqaloqatigissavaa, angerlarsimaffimilu ikiortinik tamatuminnga ataqtigiissaarisooq ilisimatissallugu. Kommune piginnaangorsaaqqinnermik suliaqalersimammat angerlarsimaffimmi ikiortip suliarisartagai inuup nammineq sapinnginnerai angerlarsimaffimmi ikiortinik ataqtigiissaarisup misissussavaa.

Angerlarsimaffimmi ikiortinik ataqtigiissaarisup inuk attavigissavaa taavalu inuk qanoq pisariaqartitsinersooq sunillu anguniagaqarnerooq paasiniaavigalugu pulaassallugu. Angerlarsimaffimmi ikiortip inuk peqatigalugu anguniagassiussaaq, pillorissaasorlu ilaanni aamma anguniagassieqataasassaaq. Maanna inuk angerlarsimaffimmi sungiusaasumik kommunimeersumik peqateqarluni anguniakkani anguniarlugit sungiusartussanngorpoq.

Aallaqqaammut inuup angerlarsimaffimminniit 20 meterit pisuummik rollatorimik atortoqarluni ingerlalluni sungiusarnissaa naammappoq. Taamatuttaaq issiffarmi natermi støvsugerluni ikiuuttassaaq. Qaammatit pingasut ingerlaneranni ima pilloritsigilerpoq nammineerluni pisuut rollator atorlugu brugseniarsinnaalerluni nammineerlunilu støvsugerlunilu asaasinnaangorluni. Inuk nuannaarpoq tulluusimaarlunilu, timikkut tarnikkullu nukittunerulersutut misigaluni.

Piginnaangorsaanermi kikkut sulisuuppat?

Suleqatigiit assigiinngitsuneersuupput tassaallutik angerlarsimaffimmi sungiusaasut, angerlarsimaffimmi ikiortit ataqtigiissaarisui kiisalu pillorissaasut. Piginnaangorsaaqqinneq tassaavoq Kommune Kujallermi angerlarsimaffimmi ikiorteqartitsineq nutaaq, inummut tapersersorteqartitsineq ikiorteqartitsinerlu atorlugit inuup pitsaasumik, namminersorluni imalimmillu inuuneqarnissaaq siunertaqarfiusooq.